

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj:05-24-4647-10/24
Sarajevo, 30.07.2024. godine

Na osnovu člana 18. stav (2), a u vezi sa članom 10. stav (3) Zakona o javnim nabavkama („Službeni glasnik BiH“, broj: 39/14 i 59/22), člana 2. Odluke Vlade Kantona Sarajevo o davanju saglasnosti na tekst sporazuma o savjetodavnim uslugama za transakciju broj:02-04-31827-3/24 od 06.06.2024.godine, Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo donosi:

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se Sporazum o savjetodavnim uslugama za transakciju, između Međunarodne finansijske korporacije i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

Član 2.

Procijenjena vrijednost nabavke usluge iz člana 1. ove Odluke iznosi 800.000,00 eura. a sredstva su planirana Budžetom Kantona Sarajevo za 2024. godinu na razdjelu Ministarstva komunalne privrede, infrastrukture, prostornog uređenja, građenja i zaštite okoliša na razdjelu 33, ekonomski kod 613900 subanalitika YAK006 056 F - izrada izmjena i dopuna provedbenih projekata iz nadležnosti ministarstva - studije izvodljivost u iznosu od 350.000 KM.

Član 3.

Stupanjem na snagu ove Odluke stavlja se van snage Odluka o izuzeću od primjene Zakona o javnim nabavkama br.05-24-4647/24 od 24.07.2024.godine.

Član 4.

Odluka stupa na snagu danom donošenja, a objavit će se na internet stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

O b r a z l o ž e n j e

Članom 10. stav (2) Zakona o javnim nabavkama („Službeni glasnik BiH“, broj: 39/14 i 59/22) propisano je da se Zakon o javnim nabavkama ne primjenjuje na ugovore o javnoj nabavci koje ugovorni organ dodjeljuje ili sprovodi u skladu sa pravilima o nabavci koje određuje međunarodna organizacija ili međunarodna finansijska institucija, ako ta organizacija ili institucija u cjelini finansirana navedene ugovore o javnoj nabavci.

Stavom (3) istog člana propisano je da u slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke. Ukupna vrijednost projekta je 800.000,00 eura, a zajednički ga finansiraju Vlada Kantona Sarajevo putem Ministarstva komunalne privrede, infrastrukture, prostornog uređenja, građenja i zaštite okoliša u iznosu od 20%, i Međunarodna finansijska korporacija u iznosu od 80%.

Obzirom da je u članu 2. Odluke izuzeću od primjene Zakona o javnim nabavkama br.:05-24-4647/24 od 24.07.2024.godine uočena greška, odnosno da je naveden iznos "800.00 eura" umjesto „800.000.00 eura“, te da je potrebno dopuniti obrazloženje u dijelu da projekat finansira Vlada Kantona Sarajevo putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo u iznosu od 20%, a u skladu sa gore navedenim odredbama i članom 18. stav (2) Zakona o javnim nabavkama, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo donijelo je odluku kao u dispozitivu,



Dostaviti:

1. Sektor za ekonomsko-finansijske poslove i koordinaciju projekata
2. Sektor za komunalne djelatnosti, infrastrukturu i pravne poslove
3. Kabinet Ministra
4. web stranica Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo
5. Evidencija
6. Arhiva

